



E. 7. num. 31.

DISPUTATIO INAUGURALIS  
JURIDICA 1672, 13<sup>6</sup> 16  
DE

PALLIO  
EPISCOPALI,

P. 360.

Quam

PRÆSIDE

MAGNIFICO DOMINO

CHRISTOPHORO PHILIPPO

Richter / Jcto, Com. Pal. Cæs.

h. t. XVIII.

DECANO SPECTATISSIMO,

Pro Honoribus ac Privilegiis Doctoralibus  
in utroque jure legitimè consequendis

*Solenni ventilationi exponis*

JOHANN. CHRISTOPH. Slee /

Stadenlis



JENÆ,

Literis Samuelis Adolphi Mülleri.

M DC LXXVIII

6






DEPARTMENT OF THEATRE  
P. A. M. L. I. O.  
EPISCOPAL  
ST. JOHN'S COLLEGE  
OXFORD  
UNIVERSITY







QVOD DEUS BENE VERTAT!  
PRÆFATIO.



Am esse IMPERATORIS ROMANI dignitatem, ut nulli Papæ Romano subiecta sit, vel ex eo constat, quod IMPERATORES primi augustissimi sceptrum magnificentissimè gesserint, antequam Papatus, qui secundo anno Claudii incepit, ulli hominum cognitus erat, docente hoc *Carpzov ad L. Reg Germanorum, c. 2. §. 6. n. 35.* Neque verò solum laudati Imperatores Majestatem suam sine Paparum consensu vel arbitrio acceperunt, sed & multo post alii successores etiam Christiani, *Constantinus* scil. *Magnus* & *Theodosius* soli Deo, nulli verò Papæ suam auctoritatem debuerunt, prout hoc in sacra historia ostenditur manifestissimè. Tantum verò abest,

a 2

ut



(4.)

ut Papa Romanus ulla juris antiqui specie sibi potestatem temporalem vindicare possit, ut potius Christo ipsi, cujus aliàs Vicarium se jactitat, discretè contradicat, utpote qui teste etiam *Bellarmin. lib. 5. de Pontif. Rom. c. 4. lit. c.* nec executionem ullius regni nec potestatem ullius domini habuit: Sicut autem hoc tam manifestum est, ut omnem scripturam sacram ejurasse videatur, qui non tam Reges terrarum, quam discipulos Christi dominari affirmaret, ita in puriori quoque Ecclesiae statu multi Pontifices suam dignitatem subjectam esse dominio Imperatorum ultrò confessi sunt, quemadmodum hoc ipse Gregorius Magnus Pontifex Rom. fatetur, cum Imperatorem Mauritium alloquitur hoc modo: Ego indignus Pietatis Vestrae famulus; fatetur quoque id ipsum Pelagius Papa, quando in epistola ad Childebertum Francorum Regem scribit: Regibus nos subditos esse sacrae scripturae præcipiunt: fatentur hoc plerique alii. Verum enim verò quamvis hæc omnia jure meritoque ita se habeant, adolevit tamen sensim Hieronomonarchia vel potius tyrannis ista sacra hunc  
in



(5.)

in modum, ut fulmina Pontificiorum non solum Clerici & Laici sed & Reges & Principes repugnantes ipsorum voluntati persenserint: non enim veriti sunt Pontifices dignitatem atque imperium Regum & Principum partim aperte, partim per machinationes improbas imminuere atque labefactare. Cum autem magis magisque jugum hoc pontificiale Principes etiam ad interitum usque IMPER. potestate inclinante, persentiscerent, Respublica quoque inde maximum contraheret damnum, gravissimæ Germanorum querelæ ad Concilium Constantiense, anno 1416. inscriptæ Avisa-menta Constantiensia delatæ sunt. Querelæ vero istæ cum essent æquissimæ, Concilium Basiliense quidem ad rescanda mala remedium suppeditavit, at sine fructu. Pontificii enim ut machinationibus pleni, ita & hic eorum nihil omiserunt, quæ facerent ad everisionem suppeditati remedii, extortum itaque illud est nationi Germanicæ modo planè illicito: Eugenius namque Papa misit Oratores, inter quos Æneas Sylvius, qui nonnullis proceribus ut decretum è manibus dimitterent fu-

a 3

cū.





(6.)

cum obtrusit, & cum Frideticus III. Imp. recens electus, quo magis à Pontifice coronationem mereretur, huic petito annueret, faciliori negotio id quod voluit impetravit, sed cum de novo Ordines Imperatorem sollicitarent, ut pacta quædam tam ad defensionem sui ipsius, quam etiam Procerum contra depraedationes Romanas cum Nicolao V. Papa celebraret, prodita ista tandem sunt sub nomine Concordata nationis Germanicæ cum Nicolao V. Papa. Qualiæcunque tamen illa fuerint, nec ipsa servata sunt, nullo vel ad legem naturalem vel civilem habito respectu; nihil enim magis fidei humanæ congruum est, quam ea, quæ semel placuerunt, servare *l. 1. ff. de pact. Et l. 1. ff. de constit. pec.* grave est fidem fallere. Ægrè interim ferentes Ordines à Pontificibus sibi jura penè omnia eripi, novæ querelæ prodierunt, quæ Gravamina nationis Germanicæ, cum remediis & avisamentis Anno 1510. appellantur; reperiuntur autem *tom. 2. rer. Germ. Freheri fol. 373. Et apud Goldast. vol. der Reichs Schatzungen f. 215.* Potissimum verò concernebant querelæ istæ novissimæ abusum In-  
dul-



(7.)

dulgentiarum , Annatas atque Pallii immen-  
sum pretium , nec immerito ; Tantam enim  
Leo X. Pontif. Rom. per indulgentiarum nun-  
dinationem institore harum mercium per Ger-  
maniam Tezelio sibi iniquè acquisiverat pecu-  
niæ summam , ut & tandem Patres ipsos Con-  
cilii Tridentini hujus nundinationis puduerit,  
præceperunt igitur in quibuscunque Religio-  
nis Christianæ locis nomen atque usum quæ-  
stum istorum penitus aboleri. Annatarum  
quoque si quis perpendit abusum , quis non  
videt per hanc exactionem totum sæpe Archi-  
Episcopatum , Episcopatum &c. auro exhau-  
riri ; speciosa quidem ab initio erat causa  
Annatarum finalis , reservabantur enim con-  
tra Turcas , Saracenos aliosque Reipublicæ  
Christianæ hostes , sed usus conversus in ab-  
usum , hinc rectè M. A. de DOMINIS *de*  
*Republ. Eccles. lib. 9. cap. 9. num. 63.* dicit:  
quemadmodum vectigalia à Principibus ex  
causa imposita , cessante quantumvis causa ,  
non tolluntur , ita etiam Annatis contigisse.

Per-



(8.)

Permulta possent tam ratione indulgentiarum, quam Annatarum proponi, sed in præfamine prolixus nimis forem. Ego interim heic loci animum induxi paucissimis commendatissimam illam de *Pallio Episcoporum* materiam pro Inaugurali disputatione discutere, ubi si quædam minus exasciata posuero, veniam facile à Benivol. Lectore mihi polliceor, eo quod tum materiæ amplitudo, tum temporis angustia prohibuerint paucis pagellis ea comprehendere, quæ diffusissimis & prolixissimis Commentariis vix absolvi possunt. Deum O. M. summa animi religione veneror, ut instituto huic haud inhonesto clementissimè adesse, illudque Spiritus sui gratia ad exoptatissimum finem perducere ve.

lit,

C A P. I.



(9.)

CAPUT I.

DE

ORIGINE ET DEFINITIONE PALLII.

§. I.

**D**iffiteri quidem minime possumus eam esse Etymologiae vim & efficaciam, ut beneficio eius in rei ipsius uberiores cognitionem aliquantulum deducamur, sed verò ut inani superstitione pleni apices verborum metiamur, varia criticorum somnia congeramus, Lexicographos operose compilemus, & quæ veterum omnium de origine alicujus vocis sententia fuerit, prolixè afferamus, disputaturo minime convenire arbitramur. Alia enim est philologi, alia disputatoris ratio: priori utique necesse est ut de Etymologia, Homonymia, aliisque quæ vulgo Disputationibus præmitti solent non si-

B ne



(10.)

ne insigni lectoris fastidio abundè differat: Disputatori autem sufficere judicamus, si paucis vocem, quâ in significatione accipiatur, explicet, cæteris ad lectionem Lexicorum remissis: unde & nos cupidum hujus rei lectorem remittimus ad *Ravis. Text. offic. de re vestiaria & Neubus. theat. ing. hum. l. 2. c. 3.* aliosque qui de vestitibus ex instituto scripserunt.

§. II. Origo *Pallii* à variis variè proponitur, incerta tamen potissimum: Nam eo habitu tegendi corpus frequentissimè plerasque gentes usas esse probabile est, licet non præcisè nomine *Pallii* aut istiusmodi amiculi insigniverint. Inprimis autem constat ex *Sueton. in Aug.* idem illud, quod *Toga* apud Romanos, Græcis fuisse *Pallium*, quapropter & Græci *Palliati*, & Comœdiæ Græcorum ritu institutæ *Palliata*, sunt dictæ. Cum verò frequentissime legamus, Græcorum Philosophos *Pallium* ostentasse, eoque vestitu se à vulgo distinxisse, conjicimus *Pallium* solis gravitate & auctoritate præditis viris, mulieribus-

ve,



(ii.)

ve, ut placet *Rosino in Antiq. Rom.* usitatum fuisse. Non soli autem Græci *Pallio*, quod quasi chlamis quædam erat, collari tamen carens, utebantur, sed & Hebræi ut *PANCIROLLO Rer. memorabil. tit. 44. de Fibulo* videtur: *LACTANTIUS* enim *FIRM.* scribit, Salvatoris nostri vestem, quam milites inter se partiti sunt, pallium fuisse, tunicam autem inconsutilem (quæ adhuc *Frankofurti* ex vulgi opinione adservatur) integram remansisse.

§. III. Postea verò ipsi Imperatores Græci pallio utebantur purpureo, gemmis adprimè ornato, quemadmodum Imperatoris *Valentiniani* galeam fuisse scribit *Ammianus Marcellus* teste *Pancirolo*: Ex quo postea factum est, ut qui genibus flexis purpuream Imperatorum vestem attingerent, sacram purpuram adorare dicti sint, quia scil. dextram manum, quamprimum hac purpuream ejus vestem attigissent, ad os admovebant



bant & suaviabantur, ut constat ex l. 1. C. de app. par. praefect. prat. l. 7 C. qui milie. poss. l. 4. C. de Consul. Quod si Petrum de Marca de concord. Sac. & Imp. l. 6. c. 6. respiciamus, confitendum est, fuisse hoc Pallium genus Imperatorii indumenti ad talos usque demissi, cujus usum sibi solis instar proprii ornamenti reservarunt Imper. datumque fuisse dono ab Imp. Episcopis in signum gratiae & honoris, quo uterentur in rebus Sacris peragendis: ubi tamen obiter notandum, Imperatores Episcopis (cum adhuc in puriori Ecclesia investituram & confirmationem ab Imperatore & plebe acciperent) non pallium sed annulum & baculum olim dedisse: per annulum indicabant Imperatores, se hunc hominem huic Episcopatu obstringere, per baculum verò (vulgò der Bischoffs Stab) se huic Jurisdictionem Ecclesiasticam h. e. iudicium de sacris cum publico quodam imperio conferre, vid. HUG. GROTI. de Imperio Summ. potest. circa sacra. c. X. Illud autem investiturae



(13.)

genus Henr. V. Calixto III. fulmine ejus bruto  
adactus cessit, sibi que reservavit, quod fit per  
Sceptrum vulgo *Scepter* : *Lehn* / de  
quo aliàs.

§. IV. Quo autem præcisè tempore *Pallium*  
nostrū fuerit introductum, à nemine evidenter  
de monstrari potest, consuetudini maximā heic  
vim adscribendam judicamus, eo quod certum  
tempus nullibi assignetur, hinc & ipsius colla-  
tionem non tam ex veteri instituto Ecclesiæ,  
quam ex Apostolicæ sedis consuetudine fieri  
dicitur à Paschali II. Tamen satis antiquum  
videtur, Gregorius namque *lib. 1. epist. 27.* non  
solum narrat, se Anastasio, Patriarchæ Antio-  
cheno, hospiti suo, usum ejus ab Imperatori-  
bus impetrasse, verum etiam ab antiquis Præ-  
decessoribus suorum temporum pallium Are-  
latensi Episcopo datum, *c. 3. caus. 25. q. 2.* Imo  
multo ante : Seculo jam dum V. Valentini-  
anum Imper. Ravennati Episcopo honorem  
pallii concessisse *Baron. tom. 5. ann. 432.* refert:  
Nobis in re tam impedita & difficili quid sen-

b 3

tien-



tiendum sit, non facile est reperire. Primis quoque temporibus gratuitam pallii concessionem fuisse vel parvo constitisse, & per literas aut nuntios peti potuisse docet D. *Hildebrandus exerc. de Episc. §. 85.* Ast Hildebrandus cum adhuc esset Archidiaconus, ut fastum & avaritiam Pontificis altius eveheret, primus adinvenisse perhibetur, ut Archi-Episcopi & Episcopi pallii capaces, etiam è locis remotissimis, ipsi Romam peterent, & muneribus sat splendidis, adorato Domino, pallium impetrarent. De Lanfranco Cantuariensium Episcopo memorat *Baron. tom. XI. Anno. 1070.* quum per legatos suos pallium ab Alex. II. petisset, ab Hildebrando hoc tulisse responsum: *conveniens esse, ut ipse Episcopus Apostolorum limina salutaret.*

§. V. Episcopis verò ideò collatum esse *Pallium* non improbabile est, ut Symbolum esset conformitatis in fide & doctrinâ. Pelagius enim ne temerè assensu suo quemvis etiam inidoneum & imperitum Metropolita-  
num



num approbari pateretur, jussit, ut fidem suam exponerent, atque ita pallium expeterent, h. e. assensum ejus cujus indicium erat pallium, *c. quoniam. dist. 100.* Atque huc facit, quod in historiis sacris legamus, defuncto ex Patriarchis uno, alium in locum illius electum confessionem pri<sup>o</sup> edidisse, & suū fidei consensum aliis demonstrasse, antequam pallium, ut Symbolum Ecclesiastici muneris reciperet, uti hoc videre est ex epist. Greg. Magni ad Joh. Constant. Eulogium Alexandr. & Joh. Hierosol. *l. 1. reg. ep. 24.*

§. VI. Huc etiam tendit quod ex *Petro de Marca de conc. sacerdot. & Imp. Zieglerus ad Jus Canon.* explicatius proponit, qua fraude usi Pontifices seculo octavo pallii usum excogitarint, scil. ut Metropolitanis hanc ratione eo magis sedi Romanæ subjicerentur. Illud ipsum verò cum animadversum fuisset ab Episcopis Gallicanis, hæsitasse eos in hoc negotio adeoq; Pontificem eis ostendisse Pallium non ob aliud Archi-Episcopis tribui, quam ut hoc exteriori signo à suffraganeis suis distingvantur

&amp;



& ad severiorem sanctioremque vitam admo-  
neantur. Hæ fuerunt fraudes & insidiæ, queis  
Gallicanos aliosque Papa circumvenit, ut ho-  
norem Episcopalem affectantes Romæ palli-  
um expeterent. Nemo interim à nobis ex-  
spectabit, ut annum diemve certum heic ex-  
ponamus, queis usus pallii invaluerit, nam &  
coeteri ritus, ceremoniæ, festivitates & vesti-  
menta tractu potius temporis, quàm directo  
Ecclesiæ decreto invaluerunt, & quod dolen-  
dum, vitio papatus in superstitionem & abu-  
sum plerumque degenerarunt, uti hoc ex hi-  
stor. Ecclesiast. facile ostendi posset, si instituto  
nostro interserviret.

§. VII. Quod si ultimo loco definitio  
quædam, aut rectius descriptio pallii à nobis  
desideratur, eam heic loci suscipimus defen-  
dendam, quam tradit *Matth. Stephan. lib. 3. de  
Jurisdic. c. 12. n. 12.* Pallium est vestis genus,  
candidâ lana contextum, humeros constrin-  
gens, à quo duæ lineæ ante & retro pendent,  
cui intextæ sunt quatuor cruces, duæ ante &  
retro,



(17.)

retro, & à dextris & à sinistris : infixi quoque sunt eidem tres acus ; vel Pallium est insigne ornamentum de corpore B. Petri assumtum, in signum plenitudinis Episcopalis dignitatis personis quibusdam Ecclesiasticis tributum, per c. 4. X. de auct. & usu pall. ibique Anton. de Butrio & Abbat.

## CAPUT II.

DE

# MATERIA ET RITU CONFICIENDI PALLIUM.

§. I.

**D**um ad materiam PALLII accedimus, primo loco animadvertimus, quod in primitiva Ecclesia, cum primus pallii usu inceperit, quamlibet materiam vestimento conficiendo idoneam indiscretim adhibuerint : at verò cum tene-

C

bræ



bræ papatus invalescerent, ad inanem superstitionem omnia paulatim transibant, ut cerei, loca sacra, campanæ cœteræque templorum suppellectilia certis ritibus solennitatibusque quasi sanctificarentur, & à vulgari usu removerentur. Unde etiam factum, quod & pallii materia ea foemina & futili superstitione præparata sit, ut nunquam sine risu cordatæ mentis homo illud legere vel audire possit: In die etenim Virginis Agnetis, qui est Januarii dies XXI. in ejus templo Romæ, dum in facris ministeriis imploratur *Agnus Dei*, super arâ statuuntur duo candidi agnelli, deinceps basilicæ Divi Petri Subdiaconis traduntur: Hi mittunt illos in pascua, ac verno tempore tondentur, ex eaque lana, permixta reliquæ lanæ, cum in filium diducta fuerit, parantur PALLIA; latitudo est trium digitorum, ab humeris propendent in pectus atque renes, in extremo firmanantur tenuibus laminis plumbeis.



§. II. *Pallia* autem hæc conficiuntur Romæ à Monialibus Turris Speculi, uti ex *Onuphrio Panvino tract. de Sacrarum vestium generibus* juxta Magnifici STRAUCHII JCTi Illustris Exerc. Exor. 12. th. 12. refert Johann. Bap. Vivian. in ration. jur. Canon. ad c. 7. X. de usu & auct. pall. cum verò contexta sunt, tùm deferuntur ad altare DD. Petri & Pauli, ibi certis expeditis precibus à summo Pontifice consecrantur, ac relinquuntur isto in loco per noctem unam: altera die Subdiaconi recipiunt, & honesto loco diligenter asservant, donec qui opus habet Archi-Episcopus, aut ejus Procurator sibi dari perit, quomodo eleganter hæc omnia describit Germaniæ nostræ Livius, *Johann. Sleidan. L. XIII. ad annum. 1541.*

§. III. Hinc ex corpore D. Petri sumi *Pallium* dicitur, c. *significasti X. ad fin. de Elect.* Dicitur autem ideò sumptum de corpore Petri h. e. super altare Petri, quia altaria primum erigi, cœperunt super sepulchra



Martyrum & Confessorum, quæ altaria *Memoria* dicebantur, M. A. de DOMIN. *de Republ. Ecclesiast. lib. 3. cap. 11. n. 8.* dicit : *Consuetudinem Alexandriae esse, illum Patriarcham, qui defuncto succedit, excubias supra defuncti corpus agere, manumque dexteram capiti suo imponere : & sepulto manibus suis accipere collo suo B. Marci Pallium, et tunc legitime sedere : unde improbabiler colligi ne utiquam poterit, quod Pallio in Oriente in Ecclesia Alexandrina aliud sit nomen inditum, vocatumque B. Marci Pallium.*

§. IV. Quid autem per cruces hæc quatuor, quæ pallio nostro intextæ sunt, insinuetur, non una est Interpretum sententia ; Alii quatuor præcipuos affectus, alii quatuor virtutes cardinales, ABBAS *in rubr. de auct. & usu pallii num. 5.* alii, iique satis probabiliter quatuor mundi plagas intelligunt, pari modo, uti Jesuitis mitra quædam à Papa data est, quæ quatuor respicit plagas mundi, ut in quatuor orbis terrarum oras abire, verbumque  
Dei



(21.)

• Dei prædicare debeant : sed certi nihil heic subest, cum ceremoniarum infinitus possit esse usus : Nobis nihil refert, quicquid demum intelligant, modo salva pietate et analogia fidei illud fiat. Idem quoque sentimus de tribus acubus aureis, una super humerum, aliis post tergum, quæ in summo lapillum quendam pretiosum habere dicuntur. Lectu interim non injucunda ferè verba judicamus, quibus usus Clemens Papa dum Salernitano Archiepiscopo concessit pallium : In nomine Patris & Filii, & Spiritus Sancti Archiepiscopali pallio, nostrâ Apostolica manu dilectionem vestram insignivimus : quo utaris toties in anno, quoties prædecessores tuos eos usos fuisse constat. In quo quia de vellere ovium est, intellige te ovium pastorem, & quia circumcingeris, & etiam circa humeros portas, cognoscas & undique circumspicias, ne aliqua erret, & in morsus luporum incidat. Quod si aliquando, quod absit, contigerit, eam habeas in humeros ad caulam reportare,

c 3

&



(22.)

& pristinae societati caodunare. Quod verò ante & retro crux Domini habetur, illud Apostolicum semper docet ante oculos tuæ mentis habere Gal. 6. mihi mundus crucifixus est, et ego mundo, ita refert *Baron. tom. XI. ann. 1047. Ex isto M. A. de DOMINIS de Republ. Ecclesiast. l. 3. c. 11. n. 18.*

### CAPUT III.

DE

## PERSONIS DANTI- BUS ET ACQVIRENTI- BUS PALLIUM.

§. I.

**I**nter personas PALLIUM conferentes Imperatorem fuisse supra ostensum est, ast cum de die in diem Papæ augetur potestas pallii hujus usum in suam Jurisdictionem convertit, et à se solo Archi-Episcopis dari voluit, Patriarchis autem  
Orien-



(23.)

Orientalibus omnibus pallium conferendi antequam illud à se de Romana obtinuissent jus non esse expressè statuens *c. antiqua 23. X. de privil. Excess. privilegiatorum* : cui iniquo Pontificis proposito se opposuit Rudolphus Mamistanus, Patriarcha Antiochenus, qui pallium de arâ B. Petri Antiochiæ sibi sumpsit, nec improbandum factum hocce, jus etenim jam quæsitum habebat, quod in expresso Decreto Concilii Niceni fundatum erat.

§. II. Quanquam etiam ab initio solis Archi-Episcopis & Metropolitanis pallium concessum fuerit, tractu tamen temporis Episcopus quilibet illud à papa redimere coactus est, prout protestantes apud *Hortlederum von Ursach des Teutschen Krieges fol. 661. num. 44. indicant* : Für die Bestätigung eines Bischoffs muß man etc.

§. III. Sunt verò Patriarchæ qui primum post Romanum Pontificem tenent locum, , atque appellantur inde Patriarchæ  
quia



(24.)

quia summo honore funguntur, & sunt quasi  
Patrum Principes, qui recensentur quatuor:  
Constantinopolitanus sc. Alexandrinus, An-  
tiochenus, Hierosolymitanus: prærogativâ  
quâdam gavifus olim est Hierosolymitanus  
pro Antiocheno, at in Concilio Lateranensi IV  
Hierosolymitanus post Antiochenum ultimo  
loco ponitur. Illud notandum tantam quon-  
dam habuisse potestatem Episcopum Con-  
stantinopolitanum, quantam habuit Roma-  
nus, jam verò Pontificii Assentatores Papam  
suum diversi ordinis esse volunt, ac longè ma-  
joris, quàm Patriarchas, utpote qui Patriar-  
chas omnes infra se positos cernat: videtur  
autem quod huic prærogativæ viam aperuerit  
vox œcumenicus i.e. universalis: *Onuphrius*  
etenim *Panvin. in annot. ad Platin. sub Boni-  
fac. III. inquit: Processu temporis illud usur-  
pari cœptum, ut ambo Episcopi Romanus scil. &  
Constantinopol. œcumenici appellarentur, hic  
quidem universalis Patriarcha, ille verò uni-  
versalis Papa; Auditumque ut Papa nomen  
solus*



*Solus Romanus Pontifex, cum ante omnibus commune esset Episcopis, retineret, quo uno & illo tantum particulari nomine potestatis ejus dignitas & supra ceteras Ecclesias vetus prerogativa designaretur; ceteri verò quatuor Episcopi precipuarum sedium Patriarchæ vocarentur, confer Petrum de Marca de Concord. Sacerd. & Imp. l. i. c. 5. n. 5. qui, cum Gregorius Magnus per nomen Episcopi œumenici talem Episcopum intelligeret, qui solus velit esse Episcopus à quo ceteri dependeant, ita, ut, quicquid habeant Episcopalis potestatis, id totum illi acceptum ferant, acerbè titulum istum perstrinxit, ac dixit vocabulum universalis Episcopi esse nefandum, profanum, stultum atque sceleratum.*

§. IV. Dicuntur Archi-Episcopi qui sunt unius provinciæ Episcoporum Principes & præsules: In provinciis Occidentis Metropolitanani omnes vocabantur Archi-Episcopi: In Græcia verò & per totum ferè Orientem soli honorarii Metropolitanæ &

D

qui



quibus nulla provincia suberat, nulli Episcopi, vocabantur Archi-Episcopi ; apud scriptores Ecclesiasticos Archi-Episcopus aliquando idem quod Patriarcha, aliquando cum Metropolitano coincidit , *Ruinold. in Colloq. cum Hart. pag. 369.* Metropolitani verò sunt, qui præfunt civitatibus Metropolitanis & veri Metropolitanæ sese Metropolitæ civitatum suarum & provinciarum ἐξάρχης inscripserunt , hodie voce Archi-Episcopi & Metropolitani promiscuè utimur. De Episcopis eorumque constitutione hic quædam annecti possent, sed ne limites transgrediar & multa hic coacervem, B.L. remitto ad Magnifici Conringii tractatum de Constitutione Episcoporum Germaniæ & *Dn. Hildebrandum* de Episcopis, ubi inveniet, quæ vota facile explebunt.

§. V. Hisce igitur personis Ecclesiasticis *Pallium* fuit à Pontifice collatum, sed non uno semper eodemque modo , uti in capite seq. ostendemus.

CAP. V.



(27.)

## CAPUT IV.

De

# USU ET AUCTORITA- TE PALLII EJUSQUE REDEMPTIONE.

§. I.

**R**imis quidem temporibus  
nascentis adhuc Ecclesiæ usus Pallio-  
rum apud Sacerdotes non fuit, sed  
communi vestimento induti missas agebant,  
sicut & hætenus quidam Orientalium facere  
perhibentur à *Valasr. Strab. de rebus Eccl. c.*  
*24.* temporis tamen successu Sacerdotalis ha-  
bitus factus est, unde Sacerdotes quoque *Sul-*  
*pit. Sev. vit. Mart.* appellat *Agmina Palliata;*  
at pallium non fuisse vulgare apud Græcos,  
sed peculiare, uti apud Philosophos ostendit  
*Tertull. de pallio.* Quod si jam causam in-  
quisieris, cur *Pallio* usi sint Clerici, subji-  
ci potest hæc, ut imitarentur Christum & Apostolos

d e

si-



simili vestitus genere descriptos: De illo enim ex *Job. 19. vers. 23.* constat, quod *in atri* gesserit, tunicam & pallium: PALLIUM autem erat quadrangulare, unde ex quatuor angulis quatuor partes fecerunt milites, tunicam verò indivisam reliquerunt. Quod autem Apostoli quoq; gesserint pallia, legimus *Act. 12. v. 8.* Pari ratione soli olim sacerdotes, non communiter Christiani pallio usi sunt, ut certum esset status Ecclesiastici discrimen; putat enim D. THOMAS *3. parte q. 83. art. 3. & secunda secunda q. 102. art. 4.* quod pius & externus apparatus vestimentorum excitet Sacerdotes ad contemplandas res sacras, quod Moyse etiam Deus innuisse videatur *Exod. 29. Faciesq; vestem Sacram Aarons fratri tuo in gloriam & decorem.*

§. II. Ex ipsis itaque primordiis Ecclesiæ usus est hujus PALLII: Siquidem R U BERTUS ABBAS *de divin. offic. l. 1. c. 27.* refert: Treveris servari pallium Sancti Materni, quem Petrus Apostolus Episcopum ordinavit: Anastasius Bibliothecarius refert fuisse

con-



concessum à Sancto Marco Rom. Pontifice  
 sub Constantino Imper. Episcopo Ostiensi,  
 ut etiam *Baronius* sub anno 336. memorat.  
 Verum enim verò isto tempore nondum tan-  
 ta fuit Pallii auctoritas, quàm cum postea di-  
 ceretur esse insigne plenitudinis pontificalis,  
 & per hoc nomen Archi-Episcopi vel Patriar-  
 chæ conferri, *c. nisi specialis X. 3. Ec. cum sis. 6.*  
*X. de usu & auct. pallii*; Ea namque post-  
 modum hujus pallii facta est auctoritas, ut Ar-  
 chi-Episcopo ante id obtentum nec Episco-  
 pos consecrare, nec Basilicas dedicare, nec  
 Synodum aut Concilium congregare vel con-  
 vocare, nec Chrisma conficere, nec Cle-  
 ricos ordinare liceat, *c. 28. quod sicut, X. pra-*  
*terea X. de Elect. & Elect. potest.* consecrandi  
 potestatem quod attinet, tùm ea erat olim  
 apud Summum Pontificem, verùm hoc fi-  
 gno & hæc facultas Archi-Episcopis fuit con-  
 cessa.

d 3

§. III.



§. III. Auctoritatem hujus Pallii indicat & M. A. de DOMINIS lib. 3. th. 11. num 13. cum refert, quod Gregorius secundus Bonifacio Moguntino, pallium ipse miserit seqq. verbis : *Tibi sacri pallii direximus munus, quod B. Petri Apostoli auctoritate suscipiens induaris : atque inter Archi-Episcopos unus Deo autore, precipimus ut censearis, ita ut dum Missarum solennia geris, vel Episcopum te contigerit consecrare, illo utaris, ut juxta Sacrorum Canonum Statuta, ubi multitudo excreverit fidelium, ex vigore Apostolicae sedis, debeas ordinare Episcopos.* Quod si fides Casalio de veter. ritibus Christ. p. 159. habenda est, verba Summi Pontificis in traditione pallii ita haberi solent : Ad honorem Dei, & Sanctae Mariae Virginis, & beatorum Apostolorum, Petri & Pauli, & S. Romanae Ecclesiae, atque commissae Tibi Ecclesiae : tradimus Tibi pallium de corpore B. petri sumptum, plenitudinem sc. pontificalis officii, ut utaris intra Ecclesiam certis diebus, qui nominantur in pri-



(31.)

vilegiis ab Apostolica sede concessis, & in eo potestatem habeas consecrandi Episcopos, & celebrandi concilia. Alii autem autores in explicando pallii hujus usu egregiè variant: *Isidor.* enim *Pelusiota* l. 1. ep. cap. 136. ad *Hermin.* quem refert *Baronius* ad annum 336. pallio, inquit, quia ex lana non ex lino constet, admoneri Episcopum, ut ovem errantem, si fortè habuerit, humeris suis tollat, eamque magni Pastoris exemplo ad gregem reducat. *Alcuinus* verò *Pallii* usum ideò introductum esse autumat, ut ordines Ecclesiastici accuratius distinguerentur, *Pallium*, inquit, *Archi-Episcoporum super omnia indumenta est, ut lamina in fronte Pontificis, sicuti est discretio inter Archi-Episcopum & ejus suffraganeos.*

§. IV. Hic dubium movere quis possit cum ex *Pallio* omnis dependeat *Archi-Episcoporum* auctoritas, an tùm etiam *Electores Ecclesiastici*, licet nondum à Pontifice *pallium* susceperint, nec infultati aut confirmati fuerint, jus suffragandi in Comitibus Imperii &

Im



Imperatorem eligendi nihilominus habeant.  
 Affirmativæ sententiæ communiter D D. sub-  
 scribunt ex ratione, quam ferè omnes afferunt;  
 quod scil. hæc omnia ipsis competant, non ut  
 personis Ecclesiasticis, sed ut Imperii Germa-  
 nici Principibus, iisque aliquando seu tractu  
 temporis, seu singulari quâdam constitutione  
 designatis, ut ratione Principatum, quibus  
 præfunt, potestatem eligendi Imperatorem  
 Romanum haberent, *Mynsin. cent 5. obs. 58.*  
*Gail. 1. observ. 3. n. 1.* eosdem quoque aliquoties  
 nomine hoc in A. B. Caroli IV. indigitari, pa-  
 tet abunde ex c. 1. in pr. §. 2. 3. 5. & seqq. c. 2. c. 3.  
 c. 4. in pr. c. 7. in pr. c. 10. in fin. In persona ete-  
 nim ista, quæ duplici respectu conspicua, ea  
 spectanda venit qualitas cujus respectu actus  
 peragendus, l. 15. §. 1. ff. de adop. *Gylman. l. 1.*  
*decis. Cameral. n. 2.* de praxi & observantia mi-  
 nimè gentium dubitari poterit, non enim u-  
 num vel alterum sed plurima nobis in promptu  
 sunt exempla quæ hoc comprobant: Anno  
 1555. Daniel electus Moguntinus. anno 59. Jo-  
 hannes



hannes Gebhardus, anno 64. 66. 67. Fridericus electus Coloniensis, anno 67. Jacobus Trevirensis, anno 70. 71. 76. Valentinus electus Coloniensis, anno 82. V Volfangus electus Moguntinus, hi Recessibus Imperii subscripsisse cognoscuntur, unde colligere licet, eosdem ad collegium Electorale admissos fuisse, *Buxtorf. ad c. 1. A. B. th. 18. lit. b.* Diffiteri quidem non possumus, sæpe numero Papam Romanum observationibus recensitis, & publicè & privatim contradixisse, & ut Archiepiscopi tamdiu ab usu auctoritatis publicæ coërcerentur, donec pallium eo, quo par est, more petiissent, graviter sollicitasset, Cæsares tamen jure suo meritò hæcenus usi sunt, neque quicquam sibi à Papa in hoc genere præscribi sustinuerunt; Inprimis verò suspensa Jurisdictione Pontificis, per pacificationem religiosam, auctoritas Pontificis non leviter exspiravit, uti ait **BERTRAMUS de Comit. §. 35.**

E

§. V.



(34.)

§. V. *U*sus *Pallii* subsistit solum in persona impetrantis ; *Archi-Episcopus* enim ipse pallio uti debet , ut alteri *Archi-Episcopo* commodare nequeat, personæ etenim cohæret, eaque defunctâ *Pallium* cum ea simul sepeliri debet, *c. 2. X. de auct. & usu pallii.* Nec licet Antecessoris uti pallio, sed quisque tenetur illud Romæ sibi comparare, & qui forte vel permutatione, vel quâvis alia ratione fit alterius Ecclesiæ Patriarcha seu Metropolitanus, licet antea sibi paravit illud, necesse tamen habet, ut iterum emat, dum enim semel impudentiæ limites transgressi sunt Pontifices, subinde pallii usum & sumptuum multitudinem nimio opere auxerunt, ut avaritiam suam copiosius explerent. Utuntur autem solum eo *Archi-Episcopi* intra quamlibet sibi commissæ Ecclesiæ provinciam *c. 1. X. cit. loco.* extra provinciam non utentur, nec omnibus diebus uti poterunt, sed tantum certis stisque *c. 4. ad honorem X. cit. l.*

§. VI.



§. VI. Alexandrino quidem Patriarcha demortuo à successore pallium detrahebatur de collo, quod sibi successor imponebat, & hoc in Oriente moris erat, testante M. A. de *Dom. cit. loco.* poterat quoque olim à successoribus per literas peti, Hildebrandus tamen Papa uti dictum capite II. primum effecit, ut qui hoc petebant, ipsi Romam venirent, eum in finem, ut eò carius mercarentur. Constat etiam priscis temporibus hæc tantum ab accepturo pallium requisita esse, ut fidem suam exponeret Patriarchæ suo, ut constaret sibi cum Ecclesia convenire de fide, verum addidit Paschalis II. ut accepturi pallium, iuramento fidelitatis se obstringerent *c. 4. X. de Elect. potest.* quo autem magis magisque ad redimendum hocce pallium Episcopi adstringerentur, illud intra tres menses à consecratione, vel si quis jam ante consecratus, & transferatur postea, à confirmatione intra tres menses peti iussi sunt, hoc si tempus neglexerint à dignitate renoventur, *c. 1. dist. 100.*



§. VII. Piscator quoquo Romanus, quo foecundior esset hic acquirendi modus, certum hujus pallii statuit pretium, quod adeò in immensum crevit, ut integras provincias ad redimendum illud expilari oporteret: & quis miretur totas per hanc exactionem exhauriri provincias? In vita etenim unius hominis septies viginti quinque millia florenorum à solo Archi-Episcopatu Moguntino pro confirmatione & redemptione pallii Romam pervenerunt, ut referunt jurispubl. commentatores *Sleid. & alii.* Non pigrabimur hic querelam Germanorum ex Remonstr. Gravam. ad Maximil. I. & quidem Rem. 2. & 3. ut materia nostra dilucidior evadat, apponere:

Der Stuel zu Mänck hat vor Zeiten nur zehentausend Floren gegeben / welche / als auff einmahl ein erwählter all- da Bischoff nicht wolte erlegen / und sich auch biß an den Todt sperrete und wegerte / hat der nach ihm erwählte / weil



weil er durstig nach der Confirmation  
 war / sich gefürchtet dem Apostolischen  
 Stuel zu widersehen / offerirte alsobald  
 die alte gewöhnliche Summa / nemlich  
 zehentausend Floren nach Rom.  
 Aber er konte die Confirmation nicht ehe  
 erlangen / biß er auch seines Vorfahren  
 zehentausend Floren zugleich erleget / die  
 noch unbezahlt anstunden / und war al-  
 so gezwungen zwankigttausend Gulden  
 zu erlegen / und nicht allein zwankig-  
 tausend sondern fünff und zwankigtau-  
 send. Endlich ist es gestiegen auff sie-  
 ben und zwankigttausend die der Erk-  
 Bischoff Jacob musste legen / daher eben  
 dieser Jacobus Erk-Bischoff gesaget /  
 es fräncke ihm nicht / daß er sterben mü-  
 ste / und sein vorstehender Todt schmer-  
 kete ihn nicht so sehr / als das Jenige / so  
 seine arme Unterthanen wieder vor das



pallium eine so grosse Schatzung geben  
 müssen / *Syring. de Pac. relig. th. 16.* Tan-  
 tam ex unico hoc Episcopatu per modicum  
 temporis spatium acquisivit Pontifex sum-  
 mam pecuniæ, cum autem sint eorum multi,  
 colligi poterit, quantum Romana ista vorago  
 ex aliis Episcopatibus hactenus extorserit: Re-  
 dimitur quippe pallium uti dictum 25. millibus  
 aureorum, & antequam donum perfertur  
 3000. aureorum constare dicitur. Illi igitur i-  
 psi Doctores qui Germaniæ salutem anxie  
 quærunt, vehementissimè ingemiscunt huic  
 tyrannidi Papatus, quod specioso & audaci  
 hoc titulo pallii plurimam argenti summam  
 ipsis Archi-Episcopatibus & Episcopatibus e-  
 ripiat, & cum ipso Dei verbo mercaturam ex-  
 erceat sordidissimam.

§. IIX. Ultimo loco heic quæri potest  
 an si mortuo Electore Ecclesiastico, antequam  
 alius à Capitulo sit electus, Imperatorem eli-  
 gendi necessitas emergeat, an sede vacante ca-  
 pitulum, quæ electoris erant, peragere pos-  
 sit,



fit, cum tamen Capitulum pallio destituatur?  
 Facile autem responderi posse arbitramur,  
 quod sicut auctoritas Electoralis non à pallio  
 dependet, prout paulò ante ostensum, ita nec  
 Capituli dignitas à pallio vim suam trahat,  
 præcipuè in exercitio illarum rerum, quæ ad  
 forensia negotia, quæ inter est electio Cæsaris,  
 spectant. Quanquam & illud addi maximè  
 velimus, Capitulum vacuâ sede Electorali,  
 nunquam posse eligere Imperatorem, quia  
 potestas eligendi Electori competit non ut E-  
 piscopo, sed ut Principi. Atque hanc sen-  
 tentiam confirmat Carolus IV. A. B. c. 1. §. 19.  
 Sanciens : Si Archi-Episcopus Moguntinus  
 in intimatione futuræ electionis negligens, &  
 plusæquo remissior existat, quod tunc Co-  
 Electores motu proprio convenire possint &  
 debeant : Jam verò si Electio Imperatoris ad  
 ea, quæ Electori ut Episcopo competunt, per-  
 tineret, nunquam Imperator illud consti-  
 tuisset uti patet.

CAP. V.



(40.)

CAPUT V.

DE

ABUSU PALLII ET  
JURIBUS PROTESTANTI-  
UM CIRCA PALLIUM  
RECEPTIS

§. I.



Vid igitur exactiōibus Pon-  
tificum iniquissimis opponi debeat,  
haud difficile iudicatu ex eo est, quod  
ipsi Pontificii scriptores aut non ausint, aut  
non possint eas probare & defendere : sin-  
gulariter enim heic notandum, quod vi veri-  
tatis admoniti adversarii frigide pallia hæc ve-  
nalia excusent, neque ullam vel ex scriptura  
vel ex puriori Ecclesia primitiva rationem im-  
mensis hisce sumptibus conciliare soleant.

§. II. Nos verò primùm opponimus  
scripturam sacram, in quâ nullum ejus exstat  
vestigium, quod sacra munera argento auro-

ve



ve vendi debeant, quæ potius præcipit, ut gratis conferantur. Deinde etiam ipsi sacrorum conventuum canones anathematis sententia damnant sacrorum officiorum tam venditores, quam emptores, *c. quos constiterit, c. Reperiantur, c. si quis Episcopus l. q. 1.* Atque adeò ipsi Pontifices canonum poenam incurunt. Exstat etiam in Jure Canonico expressus canon, qui hanc pallii nundinationem improbat & tanquam incongruum, facto concilio ante corpus Beati Petri Apostolorum Principis, tam de hoc, quam de ordinationibus aliquid accipere, sub districta interdictione vetuit, *c. Novit, dist. 100.*

§. III. Accedit huc, quod ipse Albertus Crantzius in Metropoli sua *l. 2. p. m. 44.* licet alias tenacissimè errores papatus defendat, in historia de pallio emendo etiam atque etiam laudet Leonem secundum, quod piissimo Zelo tactus instituerit, ne Archi-Episcopi pro pallii usu quicquam persolverent: Quibus jam statim laudatus Crantzius suspirium hoc

F

ad-



adjungit, *utinam*, inquit, *Et illud hodie servaretur ! sed alia sunt tempora* : Ecquid manifestius contra *Pallii* abusum dici potest ?

§. IV. Quanto etiam opere haecenus inclyta Germanorum natio Papatus sordidis nundinationibus contradixit, tum ex gravaminibus seculo proximè superiori anno 22. productis, tum etiam ex *Sleid. l. 13. & Goldast. in Reichs-Sak/ p. 215. Von Beschwerden des Römischen Reichs wieder des Pabsts zu Rom Heikigkeit / patet luculentissimè.*

§. V. Hodie per pacem religiosam & Instrum. Pac. Archi-Episcopi & Episcopi Augustanae Confessionis pallium & confirmationem à Pontifice Romano petere non tenentur, quia Imperator hodie secundum vigorem constitutionis religiosae, qua Jurisdictio Ecclesiastica suspensa est, non expectata confirmatione papali Archi-Episc. & Episcopos Evangelicae Religionis de Episcopatibus utpote  
feu-



feudis imperii investire & investitis Regalia conferre debet ; & sic postulatione & electione legitime facta , ac investitura debito modo impetrata in suis Dioccesibus jure fruuntur plenissimo.

§. VI. Felices igitur merito Evangelicæ orbis Ecclesiæ sunt prædicandæ, in quibus suspena vel restituta potius Jurisdictione Ecclesiasticâ, Episcopi & Principes ab exactio- nibus papalibus immunes jura episcopalia hodiè exercent. Quod si id, quod majesta- tis civilis est, intueamur, illi ipsi magna infer- tur injuria, dum Ecclesias insatiabilis Pontifex exinanit, ac ferè depopulatur : Ad quo sine dubio respicit Capitulatio Osnabrugensis, dum ita infit : Si quid Annatarum, jurium pallii, Confirmationum, Mensium pa- palium, & hujusmodi jurium & reser- vationum nomine in bonis Statuum Augustanæ Confessionis Ecclesiasticis im-  
f 2 im-



immediatis à quocunque , quodocunque  
 aut quomocunque prætendatur , id validi-  
 tate & executione à brachio seculari imperti-  
 enda careat.

§. VII. Atque hæc præcipua fuerunt,  
 quæ tum temporis tum ingenii tenuitate ex-  
 clusus de *Pallio* congerere volui ; quod si  
 ubique summam iudicii acrimoniam non o-  
 stentavero ; veniam à B. L. mihi in re dubiæ  
 & sublextæ fidei facile polliceor. Cœterum  
 DEO O. M. gratias ex toto corde ago prolaxis-  
 simas quod mihi hætenus assistere voluerit  
 benignissimè , eumque rogo calidissimis vo-  
 tis , ut porrò omnia instituta mea ad suam glo-  
 riam , meam meorumq; salutem dirigat  
 sempiternam.

**TANTUM!**



## COROLLARIA.

## I.

Pacta confraternitatis de mutua successione, cum utilitatis multum in se contineant, paci etenim publicæ conferunt ac profunt, quare à multis pro illicitis habeantur rationes non video.

II. An testamentaria tutela in Electoralibus locum habeat, & postponat legitimam quæstio est? Sunt qui volunt quæstionem hanc in suspenso potius esse relinquendam, quàm certi quid de ea statuendum: Verum iis, quibus hæc in re dubium residet, scrupulum non eximunt, potius eligenda affirmativa sententia, quam eleganter defendunt *Dionys. Gothofr. in tract. de tut. Elect. legit. exclud. Marq. Freh. in comm. ad A. B.*

III. In Comitibus Status Imperii etsi non impediti per legatos comparere posse existimo; Princeps enim ut provincia excedat cogi non potest, nec tenetur sumptus majores facere, si iis parcere possit.

f 3

IV.



IV. Tempore Interregni ab A. B. recedendum non est.

V. Assertio eorum qui statuunt Germanum tantum in Imperatorem eligi posse, sat firmis nititur rationibus.

VI. Sunt qui negant Superioritatem Statuum ac Principum Imperii esse dependentem, affirmativam defendendam suscipio.

VII. Variæ variorum D D. sunt opiniones de immediatis nobilibus, an sint Status Imperii nec ne? Negativam Reinkingius & Sixtinus fovent sententiam nec improbabiler.

IIIX. Feudum quin recipiat prædicatum contractus in dubium vix trahi poterit.

IX. Duces militares sive alios Officiarios Bellicos rectè dici Magistratus patet ex *l. 3. ff. de re milit. & l. 6. & ult. C. de jurisdict.* nec obstant quæ proposuit *Sutholt. Disp. de Jurisdict. n. 93. & seqq.*

X. Non pauca quidem sunt actiones ex æquo & bono, & in æquum & bonum conceptæ, quæ tamen ad actiones b. f. neutiquam sunt



sunt referendæ, firmum itaque illud esto fundamentum, actio ex æquo & bono introducta non statim est bonæ fidei, quicquid etiam statuatur *Egvin. Bar. ad §. 28. J. de Act. Coras. Hotom. Vult. Duar.*

X. Actiones mixtas tam in rem quam in personam contra Ludvelli assertum agnosco præprimis verò eas, quæ in §. 26. J. de Act. referuntur; hereditatis quippe petitio saltem per accidens dicitur talis.

XII. Non transfertur per sententiam in omni judicio dominium, si dominii quæstio in ea actione versetur, proinde malè agunt, qui generaliter ea accipiunt, quæ Imp. in §. ult. J. de Off. J. proponit: adjudicatum istis judiciis, statim ejus fieri, cui adjudicatum est, pertinet hoc tantum ad tria judicia divisoria, nim. famil. erciscendæ, comm. divid. & fin. regund.

XIII. Exceptio non numeratæ pecuniæ per se perpetua, ratione autem sui privilegii tantum ultra biennium extendi non debet.

XIV.



XIV. Sunt sanè DD. non pauci qui statuunt usucapionem contrariari juri naturæ inter quos *Borcholt.* ad princ. J. de Usucap. *Sutbolt.* disp. 6. thes. 4. *Hunnus*, *Bald.* *Cujacius*, Aridet tamen mihi sententia eorum qui eam neutiquam Juri Divino & naturali æquitati contrariam esse asserunt.

XV. Promitti servitus futuro prædio, Constitui verò non nisi præsentis & exstanti potest: Usumfructum sub conditione constitui posse & in eo à servitutibus Realibus cum distingui nonnulli DD. volunt, non tamen hanc meam facio sententiam, sed contrariæ opinioni subscribo.

XVI. Hereditas si vendita fuerit, quæri solet ad quem jus accrescendi pertineat? ad emptorem illud pertinere existimo, vicem enim heredis obtinet emptor, & proinde ad eum pertinet, non tantum id quod tempore venditionis pervenit, sed etiam quod aliquando perventurum est.

XVII. Quæstio est an is beneficium legis 2. C. de rescind. vend. habere possit, qui jurat se a contractu non discessurum? defensorum negativam.

XVIII. Cum ex hereditate nec patriam potestatem, nec jus civitatis extinguat, proinde à Patre filio exhereditato tutorem dari posse assero.

XIX. Oblatæ in certum pium usum, si iste usus deficiat, vel in ipsum legatum converti nequeat, ad aliam piam causam impendenda sunt.

XX. Legata ad causam, quæ olim putabatur pia, veluti ad celebrationem missarum, invocationem sanctorum, usum Monasteriorum, cessante hodiè illa causa, non revocantur, nec ad heredes testatoris pertinent.













ULB Halle  
005 132 401

3




V077











E. 7. num. 31.

DISPUTATIO INAUGURALIS  
JURIDICA 1672, 13<sup>6</sup> 16  
DE

PALLIO  
EPISCOPALI,

P. 360.

Quam

PRÆSIDE

MAGNIFICO DOMINO

CHRISTOPHORO PHILIPPO

Richter / Jcto, Com. Pal. Cæs.

h. t. XVIII.

DECANO SPECTATISSIMO,

Pro Honoribus ac Privilegiis Doctoralibus  
in utroque jure legitimè consequendis

*Solenni ventilationi exponis*

JOHANN. CHRISTOPH. Stee /  
Stadenfis



JENÆ,

Literis Samuelis Adolphi Mülleri,

M DC LXXVIII

6